

MALINGANIO YA MITUME NO.3

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

MALINGANIO YA MITUME YA ALLAH (S.W) NO.3

Katika makala iliyopita (makala namba mbili) tulielezea njia walizotumia Mitume na malinganio yao katika kufikisha ujumbe wa Mwenyeezi Mungu kwa walimwengu. katika makala hii vile vile tutaendelea kuelezea njia nyengine walizotumia Mitume katika kutimiza wadhifa wao huo wa .kufikisha ujumbe waliopewa na Mola wao Mtakatifu

Namna ya kuwalingania watu ni maneno mazuri yenye hekima yanayoweza kumtoa nyoka* .pangoni, seuze yawe ni ya akili pia

Mitume ya Mwenyeezi Mungu ilitumia njia mbali mbali katika kufikisha ujumbe wa Mola wao. -:miongoni mwa hizo ni

KUONYA KUTOKANA NA TABU NA ADHABU ZA DUNIA .1-1

Mitume Mitukufu baada ya kuwalingania watu katika dini ya Mwenyeezi Mungu, waliwatahadharisha watu kutoipinga dini ya Mwenyeezi Mungu, kwani kwa kufanya hivyo kutawasababishia wao kuteremshiwa adhabu, hivyo waliwalingania watu na kuwatahadharisha -:kutokana na adhabu hiyo, kama tunavyosoma ndani ya Qur-ani

فَإِنْ أَعْرَضُوا فَقُلْ أَنْذَرْتُكُمْ صَاعِقَةً مِّثْلَ صَاعِقَةِ عَادٍ وَتَمُودَ[1]

.Basi wikipuuza wewe sema: Nakuhadharisheni adhabu mfano wa adhabu ya A'di na Thamudi

Mtume (s.a.w.w) alimsomea mkubwa wa Makureishi – Utba bin Rabia – mwanzo wa sura hii,* hata alipofika hapa, Utba akamziba Mtume kinywa kwa hofu iliyompanda. Akenda zake mbio, na Uislamu umekwishaanza kumuingia moyoni mwake, akawazungumzia wakubwa wenzake, lakini Abujahli na wenziwe walimpandisha mori wa kijahili mpaka akaitoa azma ile, akafa .ukafirini katika vita vya Badri kama alivyokufa Abujahli na wafujaji wenzake

Vile vile Mitume iliwatahadharisha wale ambao wanaghafilika katika kumkumbuka Mwenyeezi

Mungu na kutii amri zake kuwa watapata mashaka na tabu katika maisha yao ya duniani. Hata kama atakuwa na kila anachohitajia katika maisha yake ya duniani, kuhusu kauli hiyo Allah --:(s.w) anasema

وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكاً وَنَحْشُرُهُ يَوْمَ الْقِيَامَةِ أَعْمَى [2]

Na atakaye jiepusha na mawaidha yangu, basi kwa yakini atapata maisha yenye dhiki, na Siku .ya Kiyama tutamfufua hali ya kuwa kipofu

Pale Mitume ilipoeleza kuwa Makafiri watapata adhabu katika dunia, na wakawahofisha watu na kuwatahadharisha kutokana na adhabu ya Mwenyeezi Mungu, kutawasababishia wao kupata ibra na kusahihisha amali na matendo yao, kama anavyosema Allah (s.w) baada ya --:kuteremsha adhabu zake katikaa Kaumu ya Luti

وَتَرَكْنَا فِيهَا آيَةً لِلَّذِينَ يَخَافُونَ الْعَذَابَ الْأَلِيمَ [3]

.Na tukaacha humo Ishara kwa ajili ya wanao iogopa adhabu chungu

KUWAHOFISHA WATU KUTOKANA NA TABU NA ADHABU YA SIKU YA KIAMA .1-2

Mitume ya Mwenyeezi Mungu ilipokuwa ikifikisha ujumbe wa Mwenyeezi Mungu kwa watu, ili watahadharisha watu kutokana na tabu ya siku ya Kiama, na ili waeleze watu hali --:watakuwa watu wa motoni, kama tunavyoshuhudia ndani ya Qur-ani

وَسِيقَ الَّذِينَ كَفَرُوا إِلَىٰ جَهَنَّمَ زُمَرًا ۖ حَتَّىٰ إِذَا جَاؤُوهَا فَتَحَتْ أَبْوَابُهَا وَقَالَ لَهُمْ خَزَنَتُهَا أَلَمْ يَأْتِكُمْ رُسُلٌ مِّنكُمْ يَتْلُونَ عَلَيْكُمْ آيَاتِ رَبِّكُمْ وَيُنذِرُونَكُمْ لِقَاءَ يَوْمِكُمْ هَٰذَا قَالُوا بَلَىٰ وَلَكِنْ حَقَّتْ كَلِمَةُ الْعَذَابِ عَلَى الْكَافِرِينَ [4]

Na waliokufuru watapelekwa katika Jahannamu makundi makundi, mpaka watapoifikia itafunguliwa milango yake, na walinzi wake watawaambia: “ je! Hawakukujieni Mitume miongoni mwenu wakikusomeeni Aya za Mola wenu, na kukuonyeni makutano ya siku yenu hii?” watasema : “kwa nini? (wametujia)! Lakini limethubuti neno la adhabu juu ya wale ”.(waliowakanusha. (nao ndio sisi

Basi natutengeneze kabla ya kusimangwa kwa Aya hii na nyenginezo, Aliyeonya, Hana Lawama* .Akitesa. Na Mwenyeezi Mungu ametuonya kweli kweli

Katika Aya nyingi za Qur-ani kumelezewa mateso na mashaka ya moto wa jahannamu, kama --:(anavyosema Allah (s.w

فَأَنْذَرْتُكُمْ نَارًا تَلَظَّى[5]

!Basi nakuonyeni na Moto unao waka

Mwenyeezi Mungu katika Aya zake nyingi anawatahadharisha watu na adhabu ya Siku ya Kiama kwa sababu kuwa na hofu na adhabu ya siku ya Kiama, ni miongoni mwa dalili muhimu zitakazowafanya waja wa Mwenyeezi Mungu kutii amri za Mola wao na kufanya yale ambayo -:Mola wao amewaamrisha, kama anavyosema Allah (s.w) kuhusiana na watu hao

رَجَالٌ لَا تُلْهِهِمْ تِجَارَةٌ وَلَا بَيْعٌ عَنْ ذِكْرِ اللَّهِ وَإِقَامِ الصَّلَاةِ وَإِيتَاءِ الزَّكَاةِ يَخَافُونَ يَوْمًا تَتَقَلَّبُ فِيهِ الْقُلُوبُ وَالْأَبْصَارُ[6]

Watu ambao biashara wala kuuza hakuwashughulishi na kumdhukuru Mwenyezi Mungu, na .kushika Sala, na kutoa Zaka. Wanaikhofu Siku ambayo nyoyo na macho yatageuka

Surat Fussilat Aya ya 13 [1]

Surat Taha Aya ya 124 [2]

Surat Dhaariyati Aya ya 37 [3]

Surat Zumar Aya ya 71 [4]

Surat Layl Aya ya 14 [5]

Surat Nuur Aya ya 37 [6]

MWISHO